

支氏痘疹玄機卷之四

雜著

玄機賦

予嘗見有痘賦一篇不知何人所著其論症治雖  
詳而詞語冗雜難於記誦予故掇拾其意芟繁就  
簡撰述此賦聊為初學者之指南若能熟讀而詳  
玩之則不惟為識症之捷途而亦可資問答於傾  
蓋觀者幸勿忽而棄焉至其按圖索驥之誦則予  
自知其必不免也

原夫陰陽配合男女儲祥方情慾之煽動即淫火之



猖狂其蘊蓄于胞胎者謂之胎毒其出見於肌肉者謂之痘瘡發動則由乎外感輕重乃過乎內傷所喜者稀少而可愛所畏者稠密而難當氣血因之而虧耗容貌自此而更張病非細故勢豈尋常瀕明歲運以察陰陽春夏為順兮喜其生長秋冬為逆兮惡其收藏流行傳染者不論州邑市井因時制宜者要分寒熱溫涼如暴寒則毒遏而不出暴熱則表虛而發揚毒之輕者熱必微發亦少自能識察熱之盛者毒必甚發亦多貴在隄防寒熱往來徐徐而出者吉兆驟然壯熱一齊湧出者凶芒蚊跡蚤斑蚕種蛇皮魚

子者鬼錄洒朱點黑青黛丹瘤羊眼者泉鄉所更嫌者皮薄發痒而灰白所最忌者皮乾枯黑而焦黃在兩頤兩頰兮稀而磊落者順利在脅前膈上兮無而如常者安康頭額多而可慮腰脇少而無妨咽喉痛兮瘡必生于喉舌飲食嗆兮痘必鎖於項吭色宜老而怕嫩皮欲厚而惡光頂要尖而不宜平塌漿要滿而最忌空穰根窠散漫兮為熱入血室痒塌之變可待頭面先腫兮為火熾太陽陷伏之禍相將呵欠頓悶知為肝木所主咳嗽噴嚏明是肺金所戕兩目赤而驚悸者心火實盛手足冷而昏睡者脾土衰亡嘔

逆爲火炎於上部泄瀉由邪盛於下方心熱甚兮乃發驚而發搐胃熱盛兮則如顛而如狂飲食少而濕居脾胃腰脇痛而毒在膀胱肚痛吼食者氣逆而內脹咬牙戰慄者胃熱而火強煩躁悶亂譫語兮知爲熱盛而神亂發渴作瀉失音兮知爲咽焦而滑腸目睛露白氣雖洩而猶可救面腫忽退毒已入而難爲量抓破血流有復可灌之理變黑下陷無再能起之方大小便秘兮分腸胃之壅滯赤白痢疾兮辨氣血之受傷虛火上升而惡心乾噦之症發作毒氣攻肺而失血發泡之症施張肝經流毒兮致兩目之生翳

脾臟鬱火兮乃手足之生瘍腹中作痢者腸必積熱牙齦血爛兮口必生瘡其諸變症千態萬狀要知輕重之互變由於調理之乖張風寒不謹而肺經受病飲食自倍而腸胃乃傷衣衾太厚火氣太盛者亢則必害房慾不禁經穢不防者犯則相妨多飲則水氣流溢而成滑泄過食則停積不化而成膨脹起發遲者中必潰爛收靨慢者後必蝕瘡或血氣盛而過吞補藥或血氣虛而悞服涼湯所以變生不測禍起蕭牆順變險而險變逆輕變重而重變亡故醫者貴乎隨機應變不可偏執一方且如出不快者宜升發大

便秘者宜踈通紅紫毒盛者宜涼血而解毒頂陷灰  
白者當補虛而助陽熱盛者瀕利小便為準的毒滯  
者瀕發微汗而端詳治虛寒以辛熱治實熱以苦涼  
保元者人參黃耆甘草而並用養血者當歸芍藥地  
黃而相商涼血芍在犀角紫草解毒芍在荆芥牛蒡  
連翹乃瘡家之要領木通為利小水之良方發散表  
邪芍用柴胡乾葛而佐以官桂通調臟腑芍宜枳殼  
厚朴而加大黃白朮為補脾之劑色乾枯者非其所  
用黃耆為托膿之藥色紅艷者豈其所長內無停滯  
雖氣實而戒乎枳實毒雖壅遏但表虛而忌乎荆姜

咽痛者玄參甘桔胃寒者丁香木香止泄瀉無如肉  
蔻攻頭痛必用芍防頭面引經瀕白芷為切當腰膝  
下部必牛膝為最良氣逆者青皮陳皮之可用腹脹  
者腹皮厚朴而稱強定喘瀕杏仁五味止嘔必橘皮  
生姜更以山查消食加麥芽而又妙麥冬止渴佐乾  
葛而尤良蟬退止痒輔秦皮木賊而去夫目翳糞灰  
解毒加川山甲人齒而起夫陷瘡其諸活法貴在審  
詳執偏見者有虛虛實實之禍拘舊套者成變危變  
重之殃用之必得其當醫斯可以稱良是雖未足以  
盡其玄奧抑亦可為後學之提綱幸熟讀而詳味庶

無嗟於望洋

至於疹症尤當品評值氣候之不正兼時令之流行其發也先從發熱其出也形症分明此蓋毒起于脾熱流於肺與傷寒而相類似痘症而不輕或兩目之流淚或噴嚏之連聲咳嗽氣喘煩躁不寧隱隱於皮膚之內磊磊於肌肉之間以燈照而得見以手摸而可捫其形如芥其色如丹或既出而復沒跡或乍見而又隱形根窠腫起者兼乎癩皮膚紅甚者夾乎斑鮮明起發出透者萬無一失黑煤青紫隱伏者百無一生鼻衄出者毒從衄解何慮利不止者邪從利去

須明出三番兩次者方無餘毒熱二日五日者必重不輕欲飲水者內熱甚不欲食者胃不平既出而身復熱者勢可畏一出而即消沒者命必傾大便血利者因毒流于腸胃咽喉腫痛者為邪入于肺經口爛舌瘡者心脾蘊火皮焦髮稿者津液不生治當先為表汗次利小便發越不快者大加表散腸胃秘結者急與通行最忌風寒須防冷物戒用乎猪羊雞肉休食乎蜜柿糖餠用荆防以開其腠理加升葛以使其熱清黃芩入肺以定喘黃連瀉火而清心連翹山梔開鬱結之邪毒石膏玄參治浮火之奔騰黃栢知母

生津而降火辰砂麥冬止渴而定驚喘不止者杏仁  
五味之同用熱不退者薄荷竹葉而並行白芍爲治  
腹痛之要劑白朮有補脾胃之令名小便赤澁者用  
木通與瞿麥肺中伏熱者必骨皮與兜鈴山查麥芽  
消食有驗荊防牛蒡解毒最靈牙齒生疳人中白散  
必用咽喉成痺玄參甘桔瀆憑氣血虛羸者八物水  
穀不納者二陳腹脹喘急者利水中加葶藶鼻衄不  
止者涼血內加茅根香連丸極能止痢枳朮丸最可  
消膨由其症候屬火故涼解之治爲精功全在於發  
透毒不使其留停今人每每輕視致天亡乎生靈詞

雖近于粗鄙實治疹之準繩

痘瘡總辯

一辯惡血不入右腎 一辯痘出不由於右腎  
一辯變黑不獨歸腎 一辯宣風等散不可用  
痘瘡之症人所不免乃得於有生之初發于已生之  
後混沌太極莫辯端倪莫知朕兆故總歸之於胎毒  
二字東垣先生極論其原由兒在母腹中饑食渴飲  
俱母之血兒隨日長皮肉筋骨血脉形氣俱足十月  
降生口中尚有惡血啼聲一出隨吸而下藏於右腎  
之中僻在一隅伏而不發直至內傷乳食濕熱之氣

下流合於二火致太陽寒水起於右腎之下煎熬左  
腎足太陽膀胱經寒水夾脊逆流上頭下額逆手太  
陽經丙丁小腸火不得傳道營氣不從逆於面上肉  
理乃發爲瘡疹故其始先出於面終於陽明脾胃熟  
化爲膿二火熾甚反勝寒水遍身皆出此皆從太陽  
傳變中來丹溪先生則謂精成其子血成其胞父母  
之飲食辛燥濕熱則胃氣濁而不清故精血之輸於  
命門血海者亦濁兒成之時已有穢毒兒始降生伏  
於右腎至於三因感擊則渾身壯熱其毒乘隙而起  
自內出外一二日自右腎骨髓而出之於肝筋血氣

充足者盡送出毒於筋而無少留於骨髓二三日盡  
出於胃肌肉而無少留於筋三四日盡出於心血脉  
而無少留於肌肉四五日盡出於皮毛而無少留於  
血脉六七日盡出於瘡疹之中而無少留於皮毛七  
八日膿漸乾十二三日而結痂十五六日痂落而  
身體光澤若雖出於筋而少留於骨髓則壯熱口乾  
悶亂若雖出於肌肉而少留於筋則搐搦牽制欲歸  
腎變黑耳尻反熱若雖出於血脉而少留於肌肉則  
發癰腫多在四肢若雖出於皮毛而不極於圓肥是  
少留於皮毛則痂遲落而多麻癢矣二公之論其說

詳明其理玄奧豈後學所能窺測者哉至王海藏則謂太陰濕土壅滯君相二火所致陳氏則謂三穢液毒所發其他如云胎毒自命門出又云命門出癰疹又云痘不出於腎故於發熱之時以耳尻足冷爲出痘之驗及變黑之際又以歸腎二字實之且以耳尻足熱爲歸腎之驗丹溪謂痘若妄下則內氣虛而反入土不勝水故變黑歸腎身體寒振耳尻足反熱眼合肚脹其瘡黑陷至錢氏則謂痘至黑陷腎已受傷不受瀉故用宣風散以瀉膀胱之邪後調脾胃以制腎水則是痘之始終本末皆由於腎也明矣乃又謂

心肝脾肺四臟俱有痘惟腎居下不受穢毒獨無此症旣云如彼又云如此不能使人無疑予惟兒在母胎數月全籍母之氣血以資其生呼吸出納各循關竅其根蒂則係於母之左腎胞破之際方授氣於兒而兒始發聲啼哭口中之血縱使嚥下亦入腸胃大便一通其血自去安有逕趨形如棗大右腎之中極下之處藏蓄不動久而後發或遲至三四十年如江西寧州一舉人已三十七歲戊辰年會試入京三場甫畢即發熱出痘予視其遍身皆黑疔紫泡爲不治症竟五日而死又謝太傅之孫呂內閣之壻亦十八



歲舉於鄉而喪於痘又今盛憲副南橋之孫許副郎  
鴻川之壻虞給諫紹東之媳俱二十外出痘毒盛稠  
密為不治症若果由腎中惡血所發則其未痘之先  
不聞有毒傷腎臟之病而寧州輩俱生子女矣據其  
所發之痘俱係危症則惡血在腎將亦隨腎隨人長  
大乎竊恐無是理也况予嘗見尔得之叅贊一書記  
其一子三孫皆喪于痘醫家悉歸咎于此血既而其  
子婦就館預令女醫用心於啼聲未出之時挖出口  
中惡血如小餅大一塊切開色成五彩舉家歡躍以  
為無復痘之憂矣及彌月後痘出如麻乃竟三日而

死此其無關於口血之有是徵也又明矣愚意痘之  
所主則內經諸痛瘡瘍皆屬心火之說為是夫今之  
出痘者必先發熱面赤惡心乾噦噴嚏咳嗽呵欠等  
症現而後先出紅點紅點後以次而傳肺傳肝傳脾  
則為水泡為血泡為膿泡而底于乾靨結痂則是四  
臟俱有傳經見症而初本諸心惟腎不受穢與毒不  
相關故耳尻足冷而無其症至於變黑敗壞之際則  
五藏空虛毒氣內入無處不到腎雖在下亦受其毒  
故耳尻足亦熱旋至其毒攻心而後死則其生死係  
于心而無關於腎也明矣內經之言深切根本後人

乃因所載汗之則瘡已痘疹皆升發之語遂謂痘出於腎非諸瘡瘍之比殊不知此二句乃論治法謂在瘡瘍以解毒為主在痘瘡以升發為主而高氏則附會云痘瘡宜升發者以其自腎發出腎在下故升發其毒出於肌肉之表即內經所謂下者舉之也至於變黑則毒歸於腎故用宣風散百祥丸以瀉其毒即內經所謂下者引而竭之也引證雖似詳明其如體認未切夫血熱之痘初必深紅深紅之時失於解利又則血熱太盛而氣不能運行乃變為紫紫必變黑其曰歸腎者以腎屬水色主黑故推測而云然耳若欲瀉膀胱之邪以去腎中之毒吾恐牽牛大戟峻利之劑施之于痘後之子臟腑空虛元氣衰弱縱能見効亦難保其無他虞之患况實未有能成功者予故不敢輕用之也至如痘未見形先作腰痛者此則毒從腎出必無可治之理寧復有能瀉之者哉故又不若不用之為當也膚見如此不知後之學者以為何如

### 牛虱辯記

侍御張起潛告病歸寓張家灣予往候之張出其子謂予曰此子出痘必稀予問其故張曰吾在處州一

子喪于痘士大夫知而哀之咸謂以白牛虱焙乾爲末服之能稀痘一監生家有白牛每得虱必送入此子服過百數是以知其痘必稀也予聞而笑曰豈有是理哉牛虱本草不載其可用但載蚤虫能破血須於牛馬上帶血取之以其嘍血故也如牛虱亦能嘍血用之破血或可用以稀痘則未之間此蓋丹溪先生謂痘瘡下部不起發者用牛膝以引藥力下行後人因痘疹方內不用牛膝遂訛而謂牛虱至好事者又倡爲必白牛者爲佳耳豈牛虱能稀痘哉張不信予辭歸方半程而張遣倅速予回則其子已發熱次日痘出稠密不可當張始信予言爲之撫掌其子痘雖密然賴有元氣大用補托藥調理十五日而安故記此以爲牛虱辯

瑣瑣葡萄菊辯

京師士大夫每謂關中之瑣瑣葡萄菊能稀痘徃徃求索之亦有輸重價以購之者時以問予予曰葡萄菊能發痘未聞稀痘夫痘之出昔陳氏謂爲太陰寒水逆流俱用辛熱之藥以發之故其所製木香異攻二散率皆桂附丁香之屬如南方鄉邑市井之患痘者必先用荔枝湯關中荔枝不能得惟葡萄菊自張騫由西

域得之以入中國其性溫熱味甘平而關中苦寒所  
產者止此耳其言瑣瑣者小之謂也蓋小者陽氣包  
蓄未散其性尤熱故用研酒飲之以發痘耳若謂稀  
痘則傳聞之訛也一時士大夫有信有不信者他日  
予見大司寇西石王公公亦以問予予以前言告之  
公曰子之言得之矣吾昔參陝政有二屬吏給假詞  
色甚苦詰之乃云其子痘不發吾因謂曰汝南人性  
不耐冷此必寒氣所遏耳命急取葡萄研酒灌之不  
三服而俱起發卒以保全吾故知葡萄之能發痘而  
非稀痘也予領教歸因述公之言以為辯

### 雞子人中黃附錄

予每見人言用雞子二三枚入糞廁中浸一月取出  
帶殼煮熟以其黃與兒食之可不出痘予思人中黃  
乃人糞之汁其性嚴寒在臘月內截淡竹成節者去  
青皮從節處作小穴入甘草末於內仍緊塞穴處浸  
廁中四十九日令滲汁入竹內取出曬乾能治時行  
熱病狂病及癩喉痺痘毒并一切草木菌毒蛇咬虎  
傷等症故今之中河豚信毒者率飲糞汁以解之本  
草備載極詳而明初未嘗有令人不出痘之語惟痘  
瘡毒甚黑陷者則用燒人糞服之蓋亦取其解毒也

不如黃牛糞  
最佳用臘月  
取雄黃牛糞  
尖燒存性研  
細開水調  
服量兒大小  
大者可服三

錢小者一二  
錢

至如雞子甘寒治症極多但於小兒則止治疔痢驚  
熱及頭面臀腿生熱瘡黃水瘡者用亂髮同熬取油  
塗之亦未嘗及痘毒今以二物合用遂令兒不出痘  
竊恐無是理也但人言屢屢當亦有所試矣故附錄  
之以備他日之用

#### 四聖散攷

痘瘡黑陷欲死者用臘月內燒過人猫猪犬四糞灰  
每以一字蜜水調服能令重復起發予嘗攷之犬糞  
燒灰治疽毒癩癰疔腫家猫糞灰則治寒熱鬼瘧發  
無時度者猪糞灰則治熱病黃疸蠱毒然必東行者

良人糞灰性最寒能解諸毒四味合用乃解毒之劫  
法也然取效者百中一二蓋亦不得已而用之耳今  
人乃謂以毒攻毒失其旨矣

#### 擦法戒

京師人家每見小兒發熱一二日間不問何症輒召  
巫媼及庸醫至認爲小兒傷寒不能汗及痘疹不得  
出遂用麻油芥末入燒酒和勻以手蘸油從脊背頭  
項遍身擦之謂能散邪表汗痘疹之多者能令稀少  
不出者令發出時俗相傳率多用之予思此即古方  
中之摩脊法蓋所以散太陽膀胱經寒水逆流之毒

其在痘疹之類亦與陳文忠李東垣之論相合未爲  
妄謬然行之要得其當耳但今之人不識病爲何症  
不明標本不論虛實一槩摩擦徃徃傷生嘗記侍御  
孫立亭一子感風發熱兩日未愈一老嫗謂爲傷寒  
宜用前法擦之并以針刺十爪甲出血隨擦隨刺不  
旋踵而死○又工部侍郎謝太東一子三歲二月內  
時行發熱召予視之予謂此欲出疹但初熱未可驟  
表姑俟明日用藥時太東年已過艾止此一子心甚  
不安遍詢諸人一司官遂舉其鄉人至謂疹爲寒氣  
所蔽不得出急當以前法擦之擦未數十行即遍身  
發青而死太東遂成絕嗣以此觀擦法不可輕用也  
如此病家醫者可不慎戒之哉

### 兔血丸三荳湯驗

今人恐子出痘稠密預用三荳湯飲之并於臘月初  
八日取活兔在淨室中齋戒殺取其血以蕎麥麩朱  
砂和勻爲丸日常服之謂令出痘稀少雖未能實知  
果是其功否但一二試驗者言之如南渠呂相公之  
孫中翰葵陽之子臨溪張中丞之孫鄉進士蓮舟之  
子荆石王司成之子經衛張泓渠之子及予家第三  
子俱曾合服後果出痘稀少諸家女孫有不服者率

皆稠密是或一驗也至如東垣之淡豆豉湯丹溪之  
絲瓜蒂朱砂散大率皆爲解毒而設似亦無不可服  
者附記之以備採用

### 治驗雜記

予居京師積有年歲每遇痘瘡俱看人之大小痘之  
多寡氣血之虛實寒熱天時之寒燠宜補者補之宜  
解者解之宜表者表之宜下者下之有先補而後解  
者有先解而後補者有前後補而中解者有前後解  
而中補者率皆隨症隨時隨人而治初未敢泥於一  
定之方妄爲偏攻偏補以成虛虛實實之禍至如極  
順之症不須服藥者則告以此不須藥如不可治者  
則不妄與藥間亦有主人強欲用藥者則預告以今  
雖用藥但至某日某期當變作何症而危大抵百中  
偶失一二耳幸而保全者奚啻千百哉故將治驗之  
可記者數條列于後以備參酌若曰自衒非敢當也  
觀者察焉

### 不用補純用補驗 夾疹解補相兼驗

犬宗伯秦華峯第三子七歲十一月內發壯熱五六  
日狂躁棄衣奔走痘不能出醫以人參透肌散與之  
吐不入咽召予視之予謂此元氣壯實熱毒俱盛血

為熱氣所遏凝滯之故合用大承氣湯下之宗伯與  
諸醫驚駭失色予曰譬之佈種於地遭天亢旱為塵  
土所掩不過霖雨安能透出乃投以前藥二劑大利  
三次而後痘出稠密無鏤然幸無黑疔而年大善食  
連用芩連解毒藥三十劑過十五日而安

成國公孫世長五歲十月內發熱纔一日即身如蠶  
朱家人駭甚予曰此氣盛而熱亦盛險之候也然有  
餘者可損而治先用犀角地黄湯加連翹牛蒡子酒  
炒芩連二劑痘始發出其密如織他醫惴惴不敢吐  
氣予曰此雖密而根窠分顏色潤元氣壯何慮乎遂

自用芎歸紅花紫草乾葛升麻桔梗芍藥牛蒡連翹  
甘草合一劑繼用芎歸芍藥桔梗木通白芷蟬退升  
麻甘草又一劑後用歸著蟬退白芷芍藥升麻白朮  
桔梗甘草二三劑逮十二日而面俱裂身發白泡粟  
大者數處予曰此熱入肺也用清肺飲二劑外以蕎  
麥麩敗草黃土為末搽面裂處以收其毒聞者見者  
靡不有憂色調理五十日而愈諸孫皆然

予家孫女三歲十二月內發熱半日大作嘔吐日夕  
時已遍身紅點密固無鏤又細如蠶子家人愁駭予  
喜其嘔吐甚則毒亦解去過半矣雖細而密亦分窠



色潤且喜飲食有可生之機遂用紫草木通湯加牛蒡子連翹二劑四君子加連翹牛蒡子山查陳皮二劑七日漿足九日乾靨十一日痂脫而安

叅軍周龍津第三子六歲出痘雖不過多但遍身皆紅甚予曰此必用涼血解毒藥五劑缺一不可家人謂治痘必用參著予曰若用一分則實實之禍立見矣竟用涼血解毒藥五劑而安

侍御侯復吾第四子五歲出痘頭面遍身唇上俱多且紅如朱予曰此痘雖多賴元氣實但血熱恐作瘁惟唇上痘則不相宜急用補脾解毒之藥以逐去脾中之毒使唇痘焦退更用涼解藥十一劑而安參則毫不用也

稽勳正郎戚肖湖第二子六歲纔身熱一日召予視予曰此欲出來夾疹痘也當先用和解藥以疎導之服一劑而遍身俱紅隱隱見形粗細不等次日復用一劑而疹退但兩頰成片紅甚予謂此當再用涼解藥二劑使兩頰紅退而痘出則無虞至第四日果紅退痘出予告以今不必服藥直至第八九日連服二劑乃竟如予言而平時有一浙醫爲宋都憲洋山薦至遂日候其門旣而第三子元旦見痘浙醫謂至佳不

須服藥主人從其言不復召予視至十二朝俱抓破  
倒塌而危蓋此子予素知其元氣虛怯痘雖佳必用  
補托者浙醫但能認痘之美惡不能審人之虛實遂  
致於悞豈不醫害之哉

祠祭正郎范中吳第二子出痘密甚熱甚毒甚予先  
用承氣湯一劑連瀉二次中吳謂痘瘡而瀉必致內  
虛諸醫皆贊其言為是予獨執以為當更瀉不用補  
補一入口則喘不治矣醫不能難遂從予治連用解  
利藥十二劑調理五十日而安

管繕所正王海齋子三歲患痘稠密同僚李好溪治  
之日用保元湯三味至九朝面不灌漿李忙迫促王  
召予視予曰此氣不擴充虛寒症也宜大劑保元湯  
倍加木香官桂三服而遍身俱滿十四日乾靨脫痂  
而安既而其女接踵出痘李謂至佳不必藥予曰此  
當服解毒之劑六七貼則十二朝外可保無妨予日  
付藥一劑俱為李所阻而不服果十二朝外毒發五  
六處竟不救海齋室人恚怒李殊有慚色

錦衣大堂劉思雲子六歲四月內出痘自頭面至手  
足遍身無空處予視之謂思雲曰此痘雖多但血熱  
毒盛賴元氣實年力大可以勝受止服解毒涼血藥

扶過十五日方保無虞若用參耆藥半分則變為喘急不治矣醫二三輩不以為然賴思雲信服予言一從予治至十五朝外方漸乾靨二十五朝外面痂方脫然猶大小便俱腫欲發毒予謂此氣運不到血亦衰少之故更用補氣血消毒藥以散之而頭上腦後俱生疽蟲四十日尚未乾其解毒藥奚止四十貼儀制副郎張次峯子五歲痘雖稠密氣亦壯實但血稍熱恐發痒耳先召一浙醫號名家者視之浙醫詢知張年已五十外止此子欲指其賂乃誑以為難治張夫婦俱驚倒同僚聞之代召予至予告以至吉者

不必用補但用涼血藥二劑過十二朝而安矣張德予甚其為壽也出格

翰林許海嶽甥出痘二三醫視至八九朝面上方灌漿而忽乾靨自項下遍身俱空白泡絕無漿意醫謂倒塌不可治召予視之予曰上氣有餘下氣不足合用參耆藥內大加牛膝木通以引下藥力服三劑而遍身灌滿越十五日而安

武選徐敬吾一子方朞半稟賦甚弱除夜發熱元旦見痘兩頰兩頤項下成片他醫謂托腮鎖項難治之症召予視之予見其顆粒分明顏色紅潤但氣弱須

大用補托藥倍加桔梗白芷載藥力在上以灌漿少加牛蒡以解毒捱過項下則不妨矣已而果如吾治法而愈

內閣嚴養翁第三子身發微熱纔半日召予視之予曰眼光而潤色白而柔此欲出痘但元氣弱甚恐不能發即日用參耆內托散二劑而痘始出連服十二劑而愈

儀制正郎戚中岳子身溫咳嗽予曰此欲出痘而肺虛寒當用參耆大劑以補之過十五朝方可服三劑果痘發出服至九日遍身雖灌漿但兩足俱空泡予

於前藥內加牛膝芍藥他醫謂痘瘡方內未嘗用牛膝中岳以問予予曰因漿不下故用此引之耳至十二朝俱灌足其母因此子難於藥乃令止之予曰今少二劑他日當多服也至十九二十朝果咬牙寒戰滑泄等症見乃仍用前藥六劑而安

太僕主簿翁東白女三歲臘月內發壯熱一日遍身如塗朱浙醫六七輩相視驚愕或云血熱或云毒盛議論不定莫敢用藥後召予至予曰此血熱甚肺虛極之症當大劑人參以補氣犀角連翹牛蒡玄參以解毒涼血衆醫以肺經血熱之症而用參各微哂而

退主人不得已從予施治予日令用人參三錢煮湯作粥舖之二錢入藥煎服二十日而安次年二月患疹作喘諸醫用瀉肺解毒藥數劑非惟不愈而反增劇奄奄待盡之際予復後至用人參五錢煎湯大半甌一服而甦今已爲人母矣

工部主政諸龍田第三子周歲出痘遍身稠密纔長發時即咬牙寒戰浙醫二三輩不能治召予并屬官李所正視之予曰此用陳氏木香散倍加人參十二劑者李尚以爲少果十六劑而愈

考功正郎劉小魯子張內閣之壻三歲出痘予曰氣虛血少色白而嫩合用參薯藥二十劑乃祖封君疑小孩不當大補予曰缺一不可也竟如予言

刑部主政崔立菴子二歲出痘頭面身體俱稀少他醫謂無恙不必治予曰此痘雖稀然其子氣弱甚雖百數亦不能當况千數乎宜用參薯大劑補之主人不信過八日滑泄大作咬牙寒戰並至必如予言而獲保全

翰林公東塘子四歲出痘稠密召二三醫視之東塘自頗知醫因每每問難諸醫應答錯雜遂不用人治而自治單用保元湯至十一二朝頭面手足俱抓去

十無一二存者更聲啞氣喘不食東塘始倉忙失措方召予視亦以言難予予曰公若再執已見則傷此子矣須從予治方無害乃令以前藥內加官桂三錢木香一錢服二劑而諸症悉退五劑而抓破者俱重復灌漿調理月餘而安東塘始亦以聲啞症加香桂大熱而多爲疑後乃心服

翰林申璠泉女四歲出痘稠密不可當至第五日大如胖豈六七日俱串作一片觀者侍者靡不驚駭予曰此正參耆症也日服二劑過十五日而安

內閣張相公第五子三歲身熱一日遍身如緋叢雜

如魚子相似浙醫二三輩視之謂爲血熱毒盛各陳已見議論不定入夜召予視予曰此疹中帶痘更稀少何慮乎一藥而紅者俱退用補藥七劑而安

刑部副郎謝養菴子四歲出痘紅甚而細小且稠密浙醫有號名家者一視即搖手而退謂不可治予繼至曰此夾疹痘也服解利藥二劑而疹退去後用參耆大劑二十餘服而安其女亦然

國子學錄王芝和子四歲臘月出痘遍身稠密召予視之予曰此痘雖多而根窠明顏色正但氣弱欲用補藥數劑耳果如期而愈後第三子亦出痘予曰此

則先用補後用利之症也瘡屬將脫痂其毒欲發連服解毒藥五劑而愈

戶科都諫何朗峯幼子生數月身微熱往來六七次遍身發出細小如芥子醫視之有謂疹者有謂斑者有謂癩者莫有定見予後至以紅紙燈熟視之但見瘡雖細小窠粒分明根脚紅潤予曰此形症已見為痘無疑諸醫互笑予為迂朗峯曰但以痘治之既而果六日灌漿九日乾靨十二三日細痂漸脫而愈

成國公三弟朱脩菴子女俱出痘予曰環其居而周視之因謂以某當幾日而安某當某日而危但二郎

君之痘至十二朝須多令人謹視之勿使抓破額上若額一抓破則兩目當又閉不開恐有壞眼之症如期其侍婢輩因勞倦甚竟為抓破兩目遂閉不得開苦用藥三十餘劑過五十餘日方開而一目已壞矣右府叅軍顧肖溪臘月內一女六歲出痘七日召予視之予曰此痘雖稀少然十三朝當滑泄不食而危不治也始俱不信後果如吾言次年元旦日其第二女甫懷抱者亦出痘且稠密予一視即告以不必服藥竟不藥而安

內弟汪雲軒五十得子纔二歲四月出痘自河西務

以肩輿來迎一日行二站抵暮入其門一視之予曰此不必服藥者次明日諸親友并嫗婦輩咸謂自京師邀來何不少與藥予固辭不與竟安好無一毫恙戶部主政史星渠子六歲發驚搐召予視予曰此欲出痘也次日果見紅點予曰此但血熱恐發痒宜用涼血藥三五劑乃祖乃父苦欲用參著辭不獲勉用二分一次耳竟安好無他其女五歲接踵發熱一日予曰此亦出痘多不過五百但熱在肌表當先一發散耳不必服他藥既而痘果不滿數疹塊發遍身竟不藥而愈矣

侍御張啓潛子痘出稠密純用補托藥而安其女繼之痘佳甚氣調勻不須服藥至七日灌滿如黃蠟色予大喜至午後忽為使女月經所觸乃遍身收去無一存者其祖封君東林公驚駭甚速予視之予知其為血氣所屬遂用乳香大黃燒之芫荽酒噴之大用犀角解毒藥服之燈心竹葉湯飲之乃更發五六十小者竟安然幸其痘本佳甚無毒故可施治以挽為之若非此痘則毒入攻心死無疑矣

中翰卞賓雲四子女皆出痘予曰視之曰某當補某當解悉如所指惟第四子予謂之曰此子痘在十五



朝內自能灌漿乾麪但過十五朝外就當服藥矣不然恐有他症也時賓雲唯唯其內人聞之始雖懷疑繼見其子痘如期平安遂不迎予視至十五朝過其門問之內云已安不必視予笑而去次日黎明聞者已報卜家人至矣予往視之毒發四處因詰其不欲視之故彼意以爲予誑言也服消毒飲數劑而愈其間巫頓之費蓋不貲矣

大司空朱鎮山幼子五歲出痘十一月發熱兩日召予視之予曰此固欲出痘然初出時不必藥直至第七第八日當二藥耳果如吾之所指而安其孫女繼

之予曰此雖日用藥當十二朝而危他醫紛紛施治如期亡矣

大宗伯董潯陽孫先後出痘俱從予治或多用藥或少用藥悉如期而安其幼子幼女所患痘雖不同而合用藥則爲吳夫人所阻撓遂俱不救蓋夫人性多疑信巫卜一藥欲入口非四五處卜吉不用也故曰信巫不信醫者不治信然哉

國子助教艾曦亭子十六歲患痘二日都憲陳幼溪公聞之迎予往視遍身稠密無錢大空處予曰此雖多然根脚正年力大但血太熱雖芫荽湯不可入口

時一醫投以陳氏異攻散方在煎煮予急止之遂用涼血藥七八劑至九日外方用參耆藥數劑而安若前藥下咽是謂抱薪救火實實之禍立見矣蓋此醫號家傳所執者陳氏二方不知合變故也

侍御劉畏所二子出痘一血熱一氣虛俱予分別而治其家人子二三輩亦然

中翰沈純菴子五歲四月內患痘十一二朝外灌漿不滿大發煩躁醫者三四輩議論不定立方不一繼召予視予入其室見屏幔圍繞爐火擺列又其子衣衾太厚視其痘但氣少虛耳因知其為過於薰蒸而

發煩躁亟命去之并減其衣衾製一方與之三藥而愈故為醫者須察天時人事以活法應之庶幾可也二部主政鍾西星子三歲二月內出痘兩日醫用參耆藥治之煩躁不定痘亦不發因遣人自通州速予回予一視之知其為血熱甚也詢其用參耆之故則告以醫因頭額汗出故用以止之予曰此因爐火太盛衣服過多所致非虛汗也若用此當愈汗不休而損其表矣遂令減去衣服與解毒涼血藥一劑次日汗止至七朝他醫欲要譽過與解毒藥一劑夜大滑泄亟止之日用解補兼施之法至十二朝醫又謂血

分藥少遂加當歸一味入夜又泄予曰此血有餘氣不足之症但如前法足矣若稍欲他求則變生不測竟如予言而獲保全

阜城門外民家藍氏子五歲四月出痘已十五日遍身每痘中有疽一二條其臭異常父母驚慌懇予視之予曰此因表發太遲毒溢於肌膚之間至灌漿時痒甚搔破賴元氣壯盛不致倒塌遂成潰爛身熱蒸菴而生蛆即如物類因臭腐而生虫也用防風荆芥甘草苦參洗之三洗而愈又錦衣大堂劉思雲子痘後頭上腦後痂厚不乾亦生蛆蓋勢使然耳今人乃

謂有疽虫痘非也

翰撰李棠軒之弟七歲出痘纏身熱二日召予視予曰此痘症也當用涼血藥服之主人疑貳次日大發譫語如見神鬼狀內人駭甚予曰此熱在心神不清寧所致雖大發不妨與導赤散加犀角木通燈心竹葉三劑而精神如舊調理十三日而安

翰撰張玉陽子三歲四月內出痘已九日滑泄過甚他醫用參朮荳蔻藥不止召予視之予曰此濕熱在大腸非溫熱藥可愈遂用人參白朮散加黃連連翹二劑瀉止三服俱安

翰撰習豫南子二歲初出水痘一醫視爲正痘纔五  
六日結痂而安主人酬其功不三四日復身熱不止  
主人疑之詢諸同僚時瑤泉申公舉予往視予曰此  
出痘也主人告以纔出痘愈予辯其非出至中堂前  
醫者亦在坐見予至不復言但忸怩唯唯而已予爲  
調理十二日而愈

翰撰王忠銘一子出痘本險症宜用藥醫治時忠銘  
新得一痘疹書乃對書視痘謂爲不妨不聽予言遂  
不救繼而其女亦痘忠銘又對書視之謂不治症不  
召予治瑤泉申公強之再三忠銘先從予言謂此女

患不治症者五公若能治其神仙矣予強求視謂不  
妨可三藥而愈忠銘不信後如期而安故曰雖能讀  
書尤在識症信然

車駕歐陽心田一女出痘細密如芥發熱不退浙醫  
謂不可治子曰此夾疹症身熱者疹欲出也但服解  
散藥則疹退而痘安何慮乎因遍視其家子女七八  
人予一一指示謂某不藥愈某幾藥愈後及其家人  
子年七歲出痘已廿四日痂已脫盡予謂心田曰舉  
家俱吉惟此子當頭破而危今卽服解毒藥尚或可  
保時其西賓笑以爲迂故日付一藥俱爲所阻而不

服越數日顛忽破頭卽脹大而死蓋予見其痘毒結於顛上空虛處後必發痒痒必抓破破必傷風故知其危此蓋以意度之者語云醫者意也不其然哉

過用補藥變症記

侍御盧瑞川女十四歲出痘浙醫謂氣虛當大補甫十五日服人參十二兩痘既脫痂月餘忽痰涎壅塞手足抽掣目瞪反張口噤不語舌不抵齒不省人事前醫辭不能治時瑞川方出巡河間得家報苦甚適翰林趙澂陽至乃以余薦瑞川星馳使其弟迎余因告以服參之故余曰此雖參所害今余施治又得其

力遂與瓜蒂散二服吐出痰涎二三碗方畧省人事次日復用大承氣湯加檳榔滑石一劑大下痰涎二升許諸症悉退但不能言舌止抵齒吐不出口予令以猪心生血半酒盞灌入心竅復吐一次舌卽吐出遂能言如初蓋心有竅舌為心苗予意其為痰所壅塞致舌根墜下非藥所能攻故用猪心血灌入其竅使痰涎上壅舌根上浮以出之耳嗣後調理二十日而愈記此以告知者

痘疔治記

武庫正郎葛育庵女四歲出痘稠密根窠分明而顏

色昏黯口角兩偏各有痘三顆色甚嬌艷四圍有紅  
絲旋繞醫師金洋溪輩不能辨至第五日上自頭額  
顙頰下及唇頰承漿等處悉行抓破鮮血淋漓一日  
二三次禁不能止第八日醫以不可治辭去始召予  
視時鑿賓章君者有志於醫先以告予予用甘草煎  
湯洗去其血次熱視之乃知口傍者為痘疔毒氣上  
壅故發痒而抓破頰餘痘俱佳而此女又氣血充實  
且善飯能藥為可治症遂用銀針挑去疔根紅絲以  
珍珠散作膏塗之日用解毒藥二劑過十五日口傍  
之毒盡解而頭面始乾靨不抓破越二十三日外旋  
脫痂而安其所用解毒藥蓋四十餘劑也

醋氣妨痘記

余見人家迎醫視痘將入室必用醋潑炭火中意恐  
醫自外至有穢氣觸犯故用以辟之殊不知醋味酸  
最能收斂大非所宜然每禁之而不能從嘗記戶部  
副郎丘若泰子五歲出痘甚佳甫八日漿灌滿足時  
值暑月大雨時行頃刻積水盈庭家人恐濕熱氣傷  
痘乃陳熾炭於床前以醃醋潑之醋氣騰沸痘即發  
痒遍身抓破無一存者急召余視余思其痘本佳且  
已灌漿但未乾收耳遂用黃土敗草散以甘草煎湯

調勻塗之以代結痂如是數日脫淨而愈若痘本不佳漿未滿足則變生不測矣可不慎諸

異痘附記

予幼時見先外伯祖沈善卿云渠在正德間有一民家子六歲當天行出痘時發熱數日屢表不出但云頭頂痛忽從百會穴腫起高大如石榴又三四日頂皮破綻見痘一層約二十餘顆越七日灌漿滿脫痂去復見一層亦灌漿脫痂如是者三次而頭頂平復如舊亦無他恙此異症也故附記之  
支氏痘疹玄機卷之四終

支氏痘疹玄機方目錄

湯類

升麻葛根湯

三黃解毒湯

三荳湯

淡豆豉湯

燈心炒米湯

人參調中湯

燈心竹葉湯

麻黃解表湯

枳實導滯湯

補中益氣湯

理中湯

玄參解毒湯

保元湯

鼠粘子湯

犀角地黄湯

涼血解毒湯



四物湯

四君子湯

八物湯

荆芥解毒湯

大鼠粘子湯

防風升麻湯

人參竹葉湯

托裡快斑湯

解表救苦湯

大補湯

連翹解毒湯

犀角鼠粘湯

麻黃湯

人參羌活湯

小承氣湯

當歸芍藥湯

桂枝解毒湯

除濕湯

胃苓湯

六君子湯

人參麥冬湯

歸脾湯

當歸解毒湯

升麻解毒湯

麻黃解毒湯

化毒湯

桑虫地龍湯

水揚湯

人參固肌湯

人參清神湯

黃芩芍藥湯

人參養胃湯

二陳湯

黃連解毒湯

大黃化毒湯

芍藥防風湯

厚朴檳榔湯

黃連芍藥湯

黃連地榆湯

黃連六一湯



甘桔湯

射干牛蒡湯

獨參湯

白虎湯

竹葉石膏湯

麥冬酸棗湯

酸棗仁湯

當歸六黃湯

人參養榮湯

羌活當歸湯

桃仁承氣湯

解毒湯

消毒救苦湯

蟬蛻一物湯

羌活防風湯

蟬蛻木賊湯

人參芎歸湯

桔梗木香湯

涼血地黃湯

五加皮湯

黃連蜜蒙湯

中和湯

小柴胡湯

溫膽湯

當歸養心湯

防風湯

化斑湯

人參白虎湯

養榮湯

大青湯

化斑解毒湯

茅花湯

竹茹石膏湯

黃芩湯

升麻澤瀉湯

散類

絲瓜蒂散

生脉散

人參白朮散

瀉青散

導赤散

參耆內托散

參苓白朮散

加味連翹散

珍珠散

陳氏異攻散

人參透肌散

陳氏木香散

加味四聖散

快斑散

五苓散

人參敗毒散

十宣散

敗草散

參耆四聖散

六一散 一名天水散  
又名益元散

惺惺散

綿繭散

宣風散

逍遙散

四聖散

又名無價散

人齒散

殭蚕散

二聖散

鷹糞白散

蒺藜散

胃愛散

八正散

消風散

平胃散

益黃散

蓮肉散

人參涼膈散

瀉白散

涼膈散

玉露散

瀉黃散

止汗散

人中白散

蟬蛻散

防風散

秦皮散

仙靈脾散

穀精散 又名蛤粉散

防風通聖散

托裡散

柴胡梔子散

拂毒散

生肌散

金華散

補脾散

補肺散

蚕退散

射干散

洗心散

陰陽散

朱礬散

蛤粉散 即穀精散見前

浮萍散

瀉肺散 即瀉白散見前

雙解散

百解散

紫草木通散

連翹散 即瀉肝散見前

安胎散

罩胎散

如聖散

黑神散

藿香正氣散

麻黃散

十全散

文蛤散

雄黃散

丸類

兔血丸

五行消毒丸

七味荳蔻丸

抱龍丸

牛黃清心丸

枳朮丸

妙應丸

保和丸

香連丸

犀角消毒丸

天竺黃丸

安神丸

羚羊角丸

羊肝丸

桔梗黃連丸

地黃丸

涼肝丸

脾積丸

潤腸丸

黃連除蠱丸

三黃丸

蘆薈肥兒丸

萊菔丸

飲類

犀角飲

紫草消毒飲

紫草飲

消毒飲 又名三味消毒飲

四順飲

甘露飲

參蘇飲

清肺飲

大黃連翹飲

羚羊角飲

清涼飲子

十六味流氣飲

仙方活命飲

麥冬清肺飲

膏類

猪尾膏

牛李膏

黄栢膏

必勝膏

撥雲膏

雜類

甘草黃連朱蜜法

猪胰法

蜜導法

撲汗法

胡荽酒

鷄冠血

紫雪

玉鎖匙

支氏痘疹玄機方

湯類

升麻葛根湯

升麻

乾葛

白芍藥

甘草各等分

右剉散水煎服

三黃解毒湯

當歸

酒洗

黃連

酒炒

黃芩

酒蒸

大黃

蒸

紅花

枳實

炒

木通

檳榔

各隨意減

水煎服

三荳湯

黑豆

菉豆

赤小豆

各一升生用

甘草

一兩



右以苳淘淨同甘草凡脈水或長流水煮苳熟去  
甘草連汁曬乾汁盡為度逐日取苳水煮熟任意  
食之

淡苳豉湯

淡苳豉半合煎湯候溫不拘時頻頻飲之

燈心炒米湯

糯米炒熟燈心二三十根水煎湯溫溫服之

人參調中湯

人參黃耆甘草炙白芍藥酒木香

陳皮俱隨意右劉散加棗一枚水煎服

燈心竹葉湯

淡竹葉二三片燈草二三根水煎湯服

麻黃解毒湯

麻黃去節羌活升麻防風葛根

荆芬穗牛蒡子研蟬蛻甘草桔梗

隨意加減劉散水煎服

枳實導滯湯

枳實炒山查連翹半夏姜製木通

黃連酒炒大黃酒蒸甘草紫草茸各等分

右水煎服

補中益氣湯

人參 白木炒

黃耆炙 當歸酒洗 陳皮

甘草炙 升麻 柴胡隨意加減 水姜棗煎服

理中湯

人參 白木炒 甘草炙 乾姜煨各等分 水煎服

玄參解毒湯

玄參 黃芩 山梔炒黑 桔梗 甘草

生地 葛根 荆芥穗各等分

水煎入茅根汁京墨和

保元湯

人參 黃耆炙 甘草隨意加減 水煎服

鼠粘子湯

鼠粘子炒研二錢 荆芥穗一錢五分 防風一錢 甘草五分

水煎溫服

犀角地黄湯

犀角屑錢一 升麻七分 生地一錢二分 木通八分 桔梗五分

赤芍藥七分 牡丹皮八分 水煎服

涼血解毒湯

當歸一錢二分 白芷五分 升麻四分 紫草一錢五分 紅花一錢

赤芍一錢 桔梗八分 連翹一錢 燈草二十根 水煎服

四物湯

川芎

當歸

白芍藥

生地

各等分

水煎服

四君子湯

人參

白朮

白茯苓

甘草

各等分

水煎服

八物湯

人參

白朮

白茯苓

甘草

川芎

當歸

生地

白芍藥

各等分

姜棗水煎服

荆芥解毒湯

荆芥穗

甘草稍

牛蒡子

桔梗

防風

當歸稍

天花粉

赤芍藥

玄參

連翹

前胡

木通

各等分

水煎服

大鼠粘子湯

鼠粘子

當歸

甘草

黃芩

連翹

柴胡

黃耆

地骨皮

各等分

水煎服

防風升麻湯

防風

五錢

升麻

二錢

半夏

蒼朮

各七錢

石膏

黃芩

各一兩

白芍藥

甘草

各三錢

枳實

五錢

右劉散每服三錢薄荷葉五分姜二片水煎服

人參竹葉湯

人參

半夏

麥門冬

去心當歸

淡竹葉

玄機方

四



各等分水煎服

托裏快斑湯

人參

當歸

桔梗

牛蒡子

連翹

防風

甘草

白朮

赤芍藥

黃耆

荆芥穗

木香

各等分

水煎服

解表救苦湯

升麻

葛根

木通

牛蒡子

桔梗

天花粉

地骨皮

荆芥穗

甘草

連翹

川芎

黃芩

紫草

各等分

水煎服

大補湯

人參

白朮

當歸

川芎

甘草

白芍藥

黃耆

官桂

白茯苓

生地

右各等分加糯米一撮水煎服

連翹解毒湯

連翹

黃連

山梔

牛蒡子

苦參各

錢二分

犀角末

升麻

枳殼

露蜂房

生地

各一錢

蟬蛻

八分

防風

一錢

紫草茸

二分

錢

右用燈心二十根水煎服

犀角鼠粘湯

犀角

紫草茸

黃連

山梔

牛蒡子

黃栢

秦艽

升麻

山荳根

露蜂房

黃芩

連翹

苦參

枳實

蟬蛻

量大小加減水煎服

麻黃湯

麻黃

去節

杏仁

去皮尖研

甘草

桑白皮

蜜炙各等分

右水煎服或加升麻柴胡亦可

人參羌活湯

羌活

獨活

前胡

柴胡

川芎

白茯苓

桔梗

枳殼

人參

天麻

地骨皮

各等分

甘草

減半

麻黃

五分

薄荷

葱白一根水煎服如汗後復熱去麻黃加紫草蟬

蛻 各六分

小承氣湯

厚朴

大黃

枳實

各二錢

水煎溫服以利為度如不利加芒硝一二字

當歸芍藥湯

當歸

木通

麥門冬

去心

連翹

赤芍藥

葛根

玄參

桔梗

天花粉

生地

甘草

升麻

各等分

水煎服

桂枝解毒湯

玄機方

六

薄桂枝 赤芍藥 生麥子 防風 蟬蛻  
水姜煎服

除濕湯

蒼朮 防風 猪苓 木通 澤瀉

白朮 赤茯苓 薄桂各等分 水煎服

胃苓湯

白朮 白茯苓 猪苓 澤瀉 桂少許

蒼朮 厚朴 陳皮 甘草各等分 水煎服

六君子湯

人參 白朮炒 白茯苓 甘草 陳皮炒

半夏湯泡去皮 各等分 水煎服

人參麥冬湯

人參 麥門冬 甘草 陳皮 白朮

黃連姜製 厚朴姜炒各等分 水煎服

歸脾湯

人參 白朮 茯神去心 黃耆一分 甘草一分

木香五分 遠志去心 地骨皮一分 棗仁一分

研碎 右水姜棗煎服 加柴胡 山梔 名加味 歸脾湯

當歸解毒湯

當歸 生地 麻仁研 大黃蒸 紫草

枳殼

連翹

各等分

水煎服

升麻解毒湯

升麻

白芷

黃芩炒

牛蒡子

連翹

木通節

防風

當歸

荆芥

白蒺藜

各等分水煎服

麻黃解毒湯

防風

黃芩

酒炒

黃柏

酒炒

玄參

牛蒡子

升麻

人參

石膏

煨

甘草

木通

連翹

麻黃

淡竹葉

各等分

水煎服

化毒湯

白芍

生甘草

絲瓜乾

升麻

黑豆

赤小豆

犀角屑

各等分

水煎服

桑虫地龍湯

桑虫

一二箇即桑樹上青虫如土蚕者

蚯蚓

一條白頸者佳

右同炙乾為末酒調

水楊湯

水楊柳三箇春冬用枝秋夏連枝葉剉斷用長流水一鍋入楊柳枝葉在內煎六七沸將三分中一分入浴盆內不要太熱不要太冷先服宜用湯藥然後將兒洗浴漸漸添湯浴畢抱置溫暖處勿令

見風後以燈照看隱隱有起發意此佳兆也若洗後不見起發紅綻則津液枯矣不必更洗

人參固肌湯  
人參 黃耆 甘草 當歸 蟬蛻  
各等分 加糯米一撮水煎服

人參清神湯

人參 黃耆 甘草 當歸 白朮

麥門冬 陳皮 酸棗仁 黃連 白茯苓  
各等分 加糯米一撮棗一枚水煎服

黃芩芍藥湯

條黃芩 白芍 升麻 甘草 水煎服  
錢三 錢各二 錢一

人參養胃湯

人參 白朮 白茯苓 陳皮 神麴  
錢二 分 錢各 錢各 分

姜棗水煎服

二陳湯

白茯苓 半夏 陳皮 甘草  
各等分

水姜煎服

黃連解毒湯

黃連 黃芩 黃柏 山梔仁 連翹

牛蒡子 甘草各等分 水煎服

芍藥防風湯

白芍藥 陳皮 升麻 防風 桔梗

川芎 枳實 厚朴 甘草各等分

水姜棗煎服

大黃化毒湯

白芍藥二錢 厚朴錢五分 陳皮七分 甘草五分 大黃一

錢 水煎服

厚朴檳榔湯

厚朴 陳皮 白芍藥 檳榔 枳實

當歸 甘草各等分 水煎服

黃連芍藥湯

黃連 黃芩 甘草 升麻 白芍藥

當歸各等分 水煎服

黃連地榆湯

黃連姜製一錢二分 厚朴姜製一錢 白茯苓七分 砂仁五分

白芍炒八分 地榆一錢 澤瀉五分 升麻三分 水煎服

黃連六一湯

滑石二錢 甘草五分 黃連一錢 水煎服

甘桔湯

桔梗 三錢 甘草 一錢五分 水煎服

射干牛蒡湯

射干 山豆根 各一錢二分 牛蒡子 紫草

紫苑 各一錢 桔梗 石膏 木通 各八分 升麻

蟬退 各六分 甘草 五分 右燈心九根水煎服

獨參湯

人參 錢一二 姜棗水煎服加炒米一撮亦可或加人

參至四五錢亦可

白虎湯

石膏 三錢 甘草節 一錢五分 知母 一錢五分 粳米 二十粒

右水煎服加人參名人參白虎湯又方加乾葛 錢一

竹葉石膏湯

石膏 知母 各二兩 麥門冬 一兩 甘草 五錢

淡竹葉 片一百 右剉散每服三四錢水煎服

麥冬酸棗仁湯

酸棗仁 麥門冬 茯神 甘草 知母

川芎 各等分 乾薑 少許 水煎服

酸棗仁湯

酸棗仁 遠志 茯神 當歸 石菖蒲

甘草 各等分 水煎服

當歸六黃湯

當歸酒洗生地洗淨黃連一錢

黃芩 黃柏俱炒

黑各八分黃耆密灸二錢浮麥一撮水煎服

人參養榮湯

白芍藥炒一錢五人參 陳皮 黃耆

桂心 當歸 白朮 甘草各一錢熟地

五味子 遠志八分 薑棗水煎服

羌活當歸湯

羌活 當歸 川芎 獨活 防風

黃柏各一錢柴胡一錢五分 豨仁去皮紅花各八分 桂皮七分

右水煎服

豨仁承氣湯

豨仁去皮甘草 大黃 芒硝各等分水煎服

解毒湯

連翹 赤芍 犀角 赤小豆搗碎 黑豈搗碎

絲瓜乾 升麻各等分水煎服

消毒救苦湯

連翹一錢防風 黃芩 黃連 白朮

川芎各七分升麻 細辛各三分蒼朮 羌活

乾葛各六分柴胡 甘草 桔梗 龍膽草



各五分

當歸八分 生地八分 黃柏一錢 水煎服

蟬蛻一物湯

蟬蛻二三十箇去頭足泥土洗淨 慢火水煎服

羌活防風湯

羌活 防風 川芎 甘草各五錢 木賊

菴苳皮 荆芥各三錢 蟬退 穀精草 蛇蛻

鷄子殼內薄皮各二錢 共為極細末每服一錢茶清

調食後服

蟬蛻木賊湯

蟬蛻廿一箇 木賊五錢 水二盞慢火煎一盞日逐飲

人參芎歸湯

人參 當歸 川芎各一錢半 荆芥一錢 水煎服

桔梗木通湯

白蒺藜子一分 錢五 桔梗 槐葉 木通

山茱萸肉 白芷各一錢 紫草 牛蒡子

露蜂房醋洗淨各一錢二分 蟬蛻 升麻分七 水煎服

清心湯

白朮 白芍藥 荆芥 黃連 甘草

當歸 薄荷各等分 水煎服

涼血地黃湯

黃連 當歸稍 生地 山稔仁 玄參

甘草各等分 水煎服

五加皮湯

大腹皮黑豆汁洗淨 五加皮 地骨皮 生薑皮

茯苓皮 加木通 葶藶各等分 水煎服

黃連蜜蒙湯

黃連一錢五分 黃芩 龍膽草 紫草 車前子

秦皮 黃栢各錢二分 桔梗 蜜蒙花 白芍藥

苦參 犀角屑 防風各錢 升麻 蟬蛻各七

分 每服四五錢葱白水煎服

中和湯

人參 黃耆 厚朴 白芷 川芎

當歸 甘草 桔梗 白芍藥 肉桂

防風 藿香各等分 水酒各半盞薑棗煎服

小柴胡湯

人參 半夏 黃芩 柴胡 甘草

各等分加薑棗水煎服

溫膽湯

白茯苓 陳皮 半夏 甘草 枳殼

竹茹一團各等分 姜棗水煎服

當歸養心湯

人參

當歸

麥門冬

甘草

升麻

生地

各等分

加燈心水煎服

防風解毒湯

防風

薄荷

荆芥

石膏

知母

桔梗

牛蒡子

甘草

連翹

木通

枳殼

淡竹葉

各等分

加燈心水煎服

化斑湯

人參

知母

石膏

牛蒡子

連翹

升麻

地骨皮

淡竹葉

甘草

各等分

加糯米一撮水煎服

養榮湯

人參

當歸

紅花

赤芍藥

甘草

各等分水煎服

大青湯

玄參

大青

桔梗

人中黃

知母

升麻

石膏

山梔仁

木通

各等分

水煎好調燒人糞一錢在內服之如大便秘結再加大黃一錢

化斑解毒湯

玄參

知母

石膏

人中黃

升麻

大黃

牛蒡子

淡竹葉

連翹各等分

水煎服

竹茹石膏湯

陳皮

半夏

石膏

白茯苓各等分

竹茹一團

水煎服

升麻澤瀉湯

猪苓

澤瀉

滑石

赤茯苓

甘草

黃連

升麻各等分水煎服

黃芩湯

黃芩

黃連

當歸

川芎

人參

木香

青皮

枳殼

檳榔

甘草

各等分水煎好再加益元散調服

芫花湯

芫花

歸頭

牡丹皮

生地

甘草

各等分

水煎服

川芎防風湯

草決明一錢五分

車前子

白芷各錢二分

川芎

菊花

蔓荊子

秦皮

枸杞子

防風

烏賊骨

茵陳

苦參各一錢

蜜蒙花

白木各

分

細辛五分

加葱白水煎服

木香

加減

糯米

一撮

水煎服

參苓白朮散

人參

白朮

白茯苓

乾山藥

蓮肉

桔梗

薏苡仁

石蓮子肉

藿香

乾葛

隨意加減水煎服為末米湯調服亦可

加味連翹散

連翹

升麻

俱酒洗

葛根

桔梗

米泔浸

赤芍藥

甘草稍

黃芩

酒蒸

山梔仁

酒炒

木通

牛蒡子

炒研

麥門冬

淡竹葉

隨大小加減

加燈心水煎服

珍珠散

珍珠

五錢研為細末

亂髮

燒灰

碗莖

燒灰

麝香五分

共為末和在一處以油蘸脂拌勻如膏塗入挑破

痘疔內

陳氏異攻散

木香

三錢

當歸

陳皮

丁香

肉荳蔻

煨俱二錢半

官桂

人參

白朮

厚朴俱二錢

錢

白茯苓

三錢

半夏

錢半

附子

製過一錢

右為粗散每用三錢姜棗水煎

分空心服三歲

者作三次服五次者作二次服周歲者三五次服

以意加減

人參透肌散

人參

白芍藥

川芎

甘草

蟬蛻

陳皮

白茯苓

白朮

木通

紫草

當歸各等分

糯米

一撮水煎服

陳氏木香散

木香

大腹皮

黑豆汁洗淨

人參

俱三錢

赤茯苓

前胡

青皮

半夏

丁香

訶子肉

甘草

俱二錢半桂心一錢半

為粗散每服三錢姜棗水煎服隨兒大小加減

加味四聖散

紫草

木通

木香

川芎

甘草

白朮

白茯苓

各等分

糯米

一撮

水煎服

快斑散

紫草

蟬蛻

人參

白芍

木香

分

甘草

減半

水煎服

五苓散

白朮

白茯苓

澤瀉

猪苓

各等分

桂

減大半

水煎服

人參敗毒散

人參

前胡

柴胡

川芎

枳殼

羌活

獨活

白茯苓

桔梗

甘草

右剉散每服三錢薄荷葉五分姜三片水煎服

十宣散

人參

當歸

黃芪

官桂

甘草

分

川芎

防風

桔梗

木香

白芷

厚朴

紫草

水煎服

敗草散

用多年蓋墻屋上爛草不拘多少曬乾或微火焙乾為細末搽在破爛處若膿水不絕沾粘衣服難

以坐卧可用二三升攤在蓆上令兒坐卧在上此草經霜露感天地陰陽之氣善解瘡毒其功不能盡述

六一散

滑石

一名益元散又名天水散六兩水飛過

甘草

一兩

共為極細末每服一二匙白湯調服夏月井水調服加辰砂二錢名辰砂益元散

參薯四聖散

人參

黃耆

木香

木通

紫草

甘草

川芎

各等分

糯米

一撮

水煎服

惺惺散

人參

白朮

白茯苓

天粉

桔梗

細辛

甘草

薄荷葉

各等分

水姜煎服

宣風散

此方今擬不可用用亦恐不濟事也

紅芽大戟

不拘多少陰乾漿水煮熟去骨曬乾復入原汁盡焙乾用一兩

白牽牛

四兩一半炒熟用

檳榔

甘草

各為分

共為細末蜜湯調服三二歲者服一錢未周歲者

服五分

逍遙散

白朮

白茯苓

當歸

白芍藥

甘草

柴胡

各等分

大棗

一枚

水煎服加山梔仁牡丹皮名加味道逍遙散

綿蠻散

出蛾綿蠻子不拘多少入生白礬搥碎入蠻內令

滿以炭火燒白礬汁盡取出研細加蜜作僧五錢

白芷末二錢和勻搽上

四聖散

又名無價散

人糞

猪糞

東行良者

猫糞

犬糞

各於臘月內日未出時曬

內煨過白色為度每用一字蜜湯調服其効如神

人齒散



人牙齒大若燒存性為末入臍猪尾血三五滴和  
勻酒調服加麝香少許亦可

殭蠶散

白殭蠶炒出絲鬚 一錢

穿山甲炙焦黃 八分 麝香 二分

共為細末芫荽酒調服薄荷湯調亦可

二聖散

乾臙脂 一錢 胡桃一箇燒存性 共為末芫荽酒調服

鷹糞白散

鷹糞取白色 馬齒莧不拘

曬乾燒灰和勻蜜水調塗臙上

蒺藜散

白蒺藜 防風 甘草 羌活各等分

為細末水調塗上

胃愛散

乾淡木瓜 五分 糯米 一兩 甘草 二分 紫蘇葉

丁香 十粒 藿香 五分

共為細末每服一錢或五六分煎粟米棗子湯服

八正散

車前子 滑石 瞿麥 木通 甘草

大黃麩裹 山梔仁炒 扁蓄各取細末一兩

每服一二錢燈心湯下或煎散煎服亦可

消風散

人參

羌活

川芎

甘草

荆芥

防風

白茯苓

蟬蛻

厚朴

白殭蠶

陳皮

藿香

各五錢

共為末每服一二錢茶清調服

平胃散

蒼朮

厚朴

陳皮

甘草

各等分

姜棗水煎服或為末調服亦可

益黃散

陳皮

青皮

訶子肉

各五錢

丁香

二錢

炙甘草

三錢

共為末糖湯調服

蓮肉散

蓮肉

去心不拘多少焙乾為細末

每服三錢紅痢紫草湯和

蜜調服白痢紫草湯和砂糖調服

人參涼膈散

人參

甘草

連翹

淡竹葉

薄荷

山梔

黃芩

各等分

大黃

中用

芒硝

少用

水姜煎服

瀉白散

桑白皮 家入

地骨皮 洗去土 甘草 各等分

淡竹葉 二十片

加燈心水煎服或為末亦可

涼膈散

大黃 二錢 朴硝 錢半 甘草 七分 連翹 山梔

黃芩 各一錢 薄荷葉 七分 淡竹葉 三十片

水煎服或少加蜜在藥內服

玉露散

寒水石 半兩 軟石膏 七錢 生甘草 八錢

為細末每服一字或五分白湯調服

瀉黃散

藿香葉 甘草 各一兩 山梔仁 兩半 石膏 七錢 防風 二兩

俱用酒蜜微炒為細末每服一二錢白湯調服

止汗散

人參 白朮 白茯苓 家炙 當歸

甘草 各一錢 浮麥 一撮 水棗煎服

人中白散

人中白即溺桶中多時積垢不用女人者取出洗淨曬乾煨過入土內三日夜研為極細末加黃栢末三錢雄黃末二錢枯礬一錢同研細末搽傳口疳上甚驗

蟬蛻散

蟬蛻去頭足泥土淨用一兩 猪懸蹄甲二兩入瓦罐內盛泥固封燒存性

二味為末入羚羊角末二分每服一字溫水調下  
量大小加減

防風散

防風 荆芥 川芎 當歸 赤芍藥

防已 山梔各等分 水煎服或為末茶調服

秦皮散

秦皮 滑石 黃連各等分

每用一二錢湯泡乘熟洗之

仙靈脾散

仙靈脾 威靈仙各等分

為細末每用一錢米湯調食後服

穀精散各名蛤粉散

穀精草一兩 生蛤粉二兩

為極細末用獾猪肝一葉竹刀批作片摻藥在內  
草繩縛定以磁器貯水慢火煮熟令兒不拘時服  
防風通聖散

防風 大黃 赤芍藥 薄荷葉 當歸

川芎 山梔仁 甘草 朴硝 連翹

黃芩

桂枝

白朮

麻黃

荆芥

滑石

石膏

水煎服

托裏散

人參

黃耆

當歸

白朮

陳皮

熟地

白茯苓

白芍

甘草

水棗煎服加糯米一撮亦可

紫胡梔子散

紫胡

梔子仁

黃芩

知母

黃栢

地骨皮

桑白皮

甘草

水煎服

拂毒散

羌活

黃栢

雄黃

青黛

枯礬

大黃

為細末蜜水調塗患處

玉肌散

白芷

白芨

龍骨

貝母

赤石脂

為細末

搽患處又方地骨皮黃連甘草

五倍子黃栢各等分為細末乾搽能治疔蝕瘡不

斂并膿血雜流不收等患

金華散

黃丹

黃栢

黃連

黃芩

大黃

輕粉

麝香

一分

錢各三

錢一分

錢一分

錢各五

錢各五

為末瘡濕乾搽上瘡焮用膩猪油熬化調勻搽之

補脾散

人參 白朮各一錢 白芍藥酒炒 白茯苓各八分 陳皮

川芎各六分 甘草炙 黃耆炙 當歸酒洗各五分

水姜棗煎服

補肺散

阿膠蛤粉炒成珠一錢五分 牛蒡子炒研一錢 甘草三分

馬兜鈴五分 杏仁泡去皮尖研爛三粒 糯米微炒一錢五分

水煎食後頻頻與之

蠶退散

蠶退紙燒過 枯礬各一錢 五倍子 人中白各二錢

共為末先以躋躋虫翻轉蘸米泔水洗淨敗血後

以藥搽上

射干散

射干 玄參一錢五分 牛蒡子二錢 升麻煨八分 甘草

桔梗各一錢 水煎服

洗心散

黃連 當歸稍 生地 麻黃 大黃酒蒸

木通 薄荷葉 甘草 桔梗 連翹

牛蒡子各等 如燈心水煎服

陰陽散

黃連 三錢 乾姜 一錢五分

共炒為末先用地雞搗水洗淨後敷此藥

朱礬散

朱砂 二錢 白明礬 一錢

共為細末用雞口內涎水洗之後敷藥

蛤粉散

即殼精散已見前

浮萍散

紫背浮萍不拘多少陰乾為末每用一二錢以好

羊肝一葉以竹杖刺碎入盞內加水半盞攪和取出絞汁調萍末勻食後服之

瀉肺散

即瀉白散見前

雙解散

防風 羌活 白芷 蘇梗 陳皮

獨活 柴胡 麻黃 甘草 香附

川芎 各等分 水姜煎服

百解散

升麻 白芍藥 枳實 葛根 麻黃

薄桂 黃芩 川芎 白芷 各等分 水煎服

紫草木通散

紫草茸 木通 黃連 牛蒡子 車前子

白茯苓 各等分 甘草 各等分 水煎服

連翹散

當歸 木通 蟬退 赤芍藥 連翹

黃芩 升麻 牛蒡子 苦參 薄荷

枳殼 各等分 甘草 各等分 水煎服

瀉肝散

即瀉青散見前

安胎散

人參 白朮 白茯苓 甘草 川芎

當歸 白芍藥 大腹皮 陳皮 砂仁

紫蘇 香付 黃芩 各等分 糯米 一撮 水煎服

初發熱加升麻乾葛連翹痘出太多加酒黃連牛

蒡子連翹山查瘡不起發加牛蒡子白芍藥口渴

加麥門冬知母天花粉

單胎散

白朮 川芎 當歸 白芍藥 白茯苓

柴胡 葛根 枳殼 桔梗 黃芩



防風 陳皮 荆芥 枳殼 紫草

阿膠 白芷 甘草 砂仁各五分糯米一撮

加乾柿蒂七箇野苧根七寸甜瓜蒂一箇水二鍾以銀器內盛之將荷葉蓋定煎至七分去粗仍用

荷葉蓋之候溫服

如聖散

白朮 黃芩 當歸 枳殼 黑豆

大腹皮 陳皮 砂仁 甘草各等分

桑上羊兒藤又名薜荔一錢 水煎服

黑神散

當歸 川芎 熟地 乾姜煨黑 桂心

蒲黃炒 香附童便製 木香 青皮 黑豆

水酒各半煎服

藿香正氣散

白朮 白茯苓 陳皮 白芷 厚朴

大腹皮 紫蘇 半夏 藿香 桔梗

甘草各等分 水姜棗煎服

麻黃散

升麻酒洗 麻黃酒炒 人中黃 牛蒡子 蟬蛻

各等分水煎服

十全散

黃連

黃芩

黃栢各一分

片腦少許臨時入

苦參一錢

乳香二分

孩兒茶

雄黃各五分

玄胡索

明砂各三分

共為極細末每用少許蘆筒吹入

文蛤散

雄黃五錢

五倍子

枯礬五分

蠶退紙一錢燒灰

為細末米泔水洗淨以藥塗之

雄黃散

雄黃一錢

黃栢二錢

麝香半分

為細末以艾煎湯洗淨後搽上

丸類

兔血丸

臘月初八日取活兔一隻淨室中將兔殺取其血在銅盆內入研細朱砂末二錢以蕎麥麪和血劑隨多少為丸如菉豆大一時丸盡曬乾收貯磁罐內男服單數自三丸至二十七丸止女服雙數自四丸至三十六丸止兒小者隨乳化下大者白湯送下本人製度之人俱先齋戒三日不許婦人雞犬見方妙

五行消毒丸

凡合藥先從本年所屬之藥為君其次為臣為佐  
為使以意加減分兩於冬至日修合為末長流水  
煮升麻和竹瀝調神麩糊為丸如桐子大外用雄  
黃朱砂為衣每服一二十丸淡竹葉煎湯送下

且如甲乙年屬土則以人中黃為君

乙庚年屬金則以黃芩為君

丁壬年屬木則以山梔仁為君

戊癸年屬火則以黃連為君

丙辛年屬水則以黃柏為君

苦參為臣連翹為臣山豆根為佐牛蒡子為佐

荊芥穗為使紫蘇葉為使

七味荳蔻丸

木香三錢砂仁二錢肉荳蔻麩裹煨去油七錢半龍骨煨過

訶子肉煨各五錢白礬煨過赤石脂煨過各七錢

共為末糊丸如粟米大三歲者五十九丸量兒大小  
加減陳米湯送下

抱龍丸

牛膽南星五錢天竺黃三錢辰砂各二錢雄黃各二錢

牛黃一錢共為末甘草湯丸如芡實大每服

一丸薄荷湯磨化良也燈心湯亦可

牛黃清心丸

牛黃

五分

人參

去蘆

神麩

炒

桂

去皮

乾姜

炮各

龍腦

麝香

各五

雄黃

水飛

川芎

茯苓

去皮

紫胡

桔梗

炒

犀角

鎊各

白朮

炒

黃芩

炒

黑豆

炒

阿膠

炒成

麥門冬

去心

杏仁

去

錢五分

蒲黃

炒

芍藥

炒各

乾山藥

錢八

甘草

錢七

羚羊角

鎊五

金箔

一百五十片

為細末煉蜜丸如芡

實大金箔為衣竹葉湯磨化不拘時服

枳木丸

枳實

去穰炒

白朮

去梗炒

妙應丸

為細末新荷葉包陳倉米煨飯杵為丸每服三四  
十丸米湯送下或陳皮砂仁湯亦可

檳榔

二兩

蒸三

黃芩

滑石

各二

黑丑末

二兩半

右為末糊丸如黍米大每服三四十九

量大小加減空心薑湯送下

保和丸

山查

各一兩

神麩

半夏

姜湯

蘿蔔子

白茯苓

連翹

陳皮

錢各五

共為末粥糊丸如同二大淡姜湯下米調服亦可

香連丸

黃連

揀淨十兩

吳茱萸

五兩

用少水拌勻頓滾湯內

半日取出炒乾揀去茱萸不用加木香三兩不見火共為細末醋糊丸米湯下量大小加減

犀角消毒丸

犀角末

生地

防風

當歸

荊芥穗

各一兩

牛蒡子

赤芍藥

連翹

桔梗

各七錢

薄荷葉

黃芩

甘草

各五錢

共為末煉蜜丸如芡實大每服一二丸薄荷湯服

天竺黃丸

天竺黃

一兩

南星

薑製五次三兩

半夏

薑製五次二兩

貝母

四兩去心

天花粉

五兩

為極細末煉蜜丸如芡

實大每服一丸姜汁入滾湯磨化空心服

安神丸

黃連

炒

茯神

石菖蒲

各一兩

當歸

遠志

各一兩半

甘草

酸棗仁

各五錢

為細末猪心

血和丸如粟米大辰砂為衣燈心湯下

羚羊角丸

羚羊角

酸棗仁

扁脛骨

酥炙黃各五錢

防風

當歸

黃耆

各二錢

肉桂

一錢

為末煉蜜丸如芡

實大每服一丸食前水化下日進二三服亦可

羊肝丸

白羯羊肝 一具

黃連 兩炒一

先以黃連為細末將羊肝以竹刀割去筋膜入搗盆內研爛入黃連末在內再搗勻和為丸如桐子大每服三十丸溫茶湯送

桔梗黃連丸

麥門冬

天門冬

桔梗

黃連

黃芩

白芍 各三錢

款冬花

天花粉

桑皮 各二錢

馬兜鈴

杏仁 各半錢

黃蓍 一錢

木香 五分

為末搗飯丸如

桐子大每用十五丸茶湯送下量大小加減

地黃丸

即六味地黃丸

熟地 八兩

酒洗

山茱萸 肉

乾山藥 各四兩

牡丹皮

白茯苓

澤瀉 各三兩

右以地黃杵為膏餘藥為末煉蜜丸如芡實大每用一丸竹葉密湯磨化服

脾積丸

神麴 炒

青皮 炒

麥芽 炒

陳皮 去皮

丁香

蓬朮 五錢

各五錢

砂仁

甘草 各一兩

香附 炒二兩

陳倉米

四兩同巴豆去殼臍二十粒

炒微黃色辣去巴豆不用

為末

麴糊丸

如桐子大每服三五丸食遠白湯送下

潤腸丸

麻仁 研爛 生地

甘草

桃仁 研去皮尖 石膏

當歸稍 知母 鹽水炒 各等分

為末蜜丸如桐子大每服二三十丸白湯送下

萊菔丸

萊菔子 五錢炒 另研

白朮 土炒 四錢 胡樹 厚朴水浸過 穰乾六錢

共為末蒸餅糊丸陳皮湯送下

黃連除穢丸

黃連 川練子 肉各二錢

蘆薈

白蕪荑

夜明砂 蟬退 各一錢半 史君子肉 二錢五分

共為末烏梅肉洗去黑水杵成膏和為丸米湯下

三黃丸

黃芩 蒸 黃連 炒 大黃 蒸過 各等分為末糊丸

如桐子大每服一二十丸白湯送下量大小加減

蘆薈肥兒丸

蘆薈 龍膽草 木香 芎皮 人參

史君子肉 藜芽 各二錢 檳榔 黃連 白蕪荑

各三錢 胡黃連 五錢 為末猪膽汁糊丸如

黍米大每服五六十九丸米湯送下

飲類

犀角飲

犀角

防風

各一錢

甘草

八分

黃連

一錢半

燈心竹葉水煎服

紫草消毒飲

紫草茸

白芍藥

當歸

紅花

連翹

甘草

各等分水煎服

紫草飲

紫草茸

二兩

剉作散以百沸湯一大盞沃之用紙

固封勿令氣泄量大小加減若大便利不可用

消毒飲

又名三味消毒飲

牛蒡子

甘草

荆芥

各等分

隨意加減水煎服

四順飲

大黃

蒸

甘草

赤芍藥

當歸

各等分

每服三四錢水煎服

參蘇飲

人參

紫蘇

柴胡

乾葛

半夏

赤茯苓

枳殼

陳皮

甘草

桔梗

隨大小加減姜棗水煎服如咳嗽甚去人參大棗

甘露飲

茵陳

石斛

枳殼

甘草

麥門冬



枇杷葉 生地 黃芩各等分 水煎服

如牙齦腫痛含口內漱亦可

清肺飲

麥門冬 桔梗各二錢 知母 荆芥 天花粉

各一錢 石菖蒲 訶子肉各八分 水煎服

大黃連翹飲

連翹 當歸 赤芍藥 防風 荆芥

滑石 瞿麥 蟬蛻各一錢 山梔五分 黃芩八分

大黃蒸熟 錢半 甘草一錢 水姜煎服

羚羊角飲

羚羊角屑 五味子 大黃蒸 知母各一兩 防風

芒硝各二兩 劉散每服五錢水煎服宜斟酌元氣虛

實不可輕用

清涼飲子

大黃 連翹 赤芍藥 羌活 防風

當歸 山梔仁 甘草 各等分水煎服

十六味流氣飲

川芎 當歸稍 赤芍藥 防風 人參

木香 黃耆 桂心 白芷 桔梗

檳榔 厚朴 烏藥 甘草節 紫蘇

枳殼 各等分水煎服

氣血虛而自利者加熟附子一錢大便堅實者加酒蒸大黃二三錢

仙方活命飲

白芷 防風 乳香 末藥 甘草

穿山甲炙焦 赤芍藥 當歸稍 天花粉 皂角刺

貝母各一錢 金銀花 陳皮各二錢

劉散每服四五錢水酒各半煎服量大小加減

麥冬清肺飲

知母 貝母 天門冬 麥門冬 桔梗

甘草 牛蒡子 石膏煨 杏仁 馬兜鈴

糯米水煎服

膏類

猪尾膏

梅花冰片半字許研細旋滴猪心血為丸辰砂為衣紫草湯化下

牛李膏

牛李子不拘多少搗取原汁入磁器內熬成膏每服皂子大一丸杏仁湯化下

黃栢膏

黃栢

紅花

各一兩

甘草

二兩

菖荳

半升

先將黃栢甘草為細末另收外將新汲水三盞浸菖荳一日夜去豆不用以浸豆水煮紅花約減二盞水又去紅花纔入黃栢甘草末慢火熬成膏從耳煎眼眶唇口上下塗之一日二三次

必勝膏

馬齒莧

并豬脂膏

石蜜

共熬為膏塗患處

撥雲膏

兔糞

二斤如芒蘆衣色者佳

蟬蛻

木通

甘草

白蒺藜

各二兩

右同細末末煉蜜丸如芡實大每服一二丸食後白湯磨化服一日服二三次

雜類

甘草黃連朱蜜法

初生下未乳之前即預用甘草一錢黃連一錢煎汁入研細朱砂末二三分加蜜少許調灌下口中甚能解逐胎毒

豬胰法

用肥豬胰肉三四兩切作片水煎一滾將湯與兒

飲之

蜜導法

用白蜜一合入銅器內微火熬之不住手攪數沸  
滴水中成珠不粘手為度傾入冷水內捻作條子  
如筋大長一二寸撚其頭尖以紙托送入穀道內  
導之大便自通

撲汗法

牡礪煨過 麻黃根 赤石脂煨 糯米粉 貝母  
共為細末絲綿包裹撲令汗乾

胡荽酒

用荳荑大把浸酒內半日或煎一二沸候溫含酒  
噴之

雞冠血

取大雄雞冠上血滴酒中飲之

玉鎖匙

明砂一錢 朴硝五分 白姜蚕一條 片腦半分  
為極細末每用少許以竹管吹之

紫雪

黃金一百兩 寒水石 石膏各三斤 犀角 羚羊角  
各五兩 玄參一斤 沉香 木香 丁香各半

斤

甘草節

升麻

各六兩

右用水五斗煮金至三斗去金不用入諸藥再熬至一斗去滓投好芒硝二斤半微火煎以柳條快攪勿住手候欲凝入盆中更下研細辰砂三錢財香一錢二分半急攪勻候冷入磁瓶內收貯勿令見風每用一錢溫水化下小兒量其年歲自三分至六七分如咽喉危急捻少許乾嚥下一方有磁石滑石各三斤朴硝十斤當門子二錢半亦是一

方亦可用

附錄諸法

### 製附子法

用附子重一兩三四錢有蓮花瓣頭圓底平者先備童便五六碗將附子在火上炙良久乘熱投童便中浸五七日候潤透揭去皮切作四塊再炙熱仍投童便內浸二三日用粗紙數層包裹浸濕埋在灰火內半日取出切片檢看有白星者再放瓦上微火炙至無白星為度如急用即切大片用童便煮六七沸另用黑豆水內煮六七沸切作小片放瓦上炙乾用之

### 煨礞石法

礞石一斤用火燒透打成如胡桃塊大再用硝一斤

打碎拌和入磁罐或銅罐內四面以土坯砌成竈底  
下以炭裝滿周圍俱是炭上用砂鍋片封蓋亦用炭  
蓋滿在上然後下面發火燒至上下炭通紅大盛時  
方揭開上面砂鍋片以生炭末摻入罐內取其硝氣  
上升如煎銀相似直待硝盡之後以罐取出在石片  
上打碎若罐上有粘帶不下者連罐入砂鍋內大水  
燒幾滾自然脫下棟出再同前礮石另換水熬五六  
次又換水又熬五六次如是者三度方收好聽用

支氏痘疹玄機終

